



**TAJUK KHUTBAH JUMAAT**

**Siri: 38/2023**

**KELAHIRAN RASULULLAH SAW SUATU  
RAHMAT**

**22 September 2023**

*Bersamaan*

**29 Rabiul Awal 1445**

**DIKELUARKAN OLEH:**

**JABATAN HAL EHWAL AGAMA  
TERENGGANU**

**PERINGATAN:**

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal EhwAl Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

## KHUTBAH PERTAMA

الْحَمْدُ لِلَّهِ حَمْدًا كَثِيرًا مُبَارَكًا فِيهِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ أَشْرَفِ الْأَنْبِيَاءِ وَالْمُرْسَلِينَ،

وَعَلَى آلِهِ وَصَحْبِهِ أَجْمَعِينَ، وَالتَّابِعِينَ لَهُمْ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، وَتَزَوَّدُوا فَإِنَّ خَيْرَ الزَّادِ التَّقْوَى.

**Sidang jemaah yang dikasihi Allah,**

Pada hari Jumaat yang mulia ini, khatib menyeru kepada seluruh kaum muslimin supaya kita bertaqwa kepada Allah SWT dengan melaksanakan segala suruhan-Nya dan dalam masa yang sama meninggalkan segala larangan-Nya.

Tajuk khutbah hari ini ialah :

**‘KELAHIRAN RASULULLAH SAW SUATU RAHMAT’.**

**Sidang jumaat yang dirahmati Allah sekalian,**

Alhamdulillah, kita sudah memasuki bulan Rabiul Awal, bulan lahirnya insan agung yang membawa rahmat ke seluruh alam iaitu Baginda Nabi Muhammad SAW. Kelahiran Baginda juga merupakan suatu nikmat yang amat besar dari Allah SWT bagi seluruh umat manusia. Baginda membawa

sinar cahaya yang menyinari bumi ini dengan cahaya tauhid dan memadamkan kegelapan syirik dan kekufuran.

Baginda telah berjaya membawa beberapa perubahan yang besar dalam sejarah kehidupan dan tamadun manusia, antaranya ialah:

**Pertama;** Dalam aspek akidah, Rasulullah SAW telah berjaya mengangkat martabat dan kemuliaan manusia daripada kehidupan zaman jahiliah yang bertunjangkan hawa nafsu, kesesatan dan penyembahan berhala, kepada akidah suci yang mentauhidkan Allah, iaitu Tuhan yang Maha Esa. Allah SWT berfirman dalam surah al Bayyinah ayat 5:

وَمَا أُمْرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ وَيُقِيمُوا الصَّلَاةَ وَيُؤْتُوا

الزَّكَاةَ ۚ وَذَلِكَ دِينُ الْقِيَمَةِ ۗ

**Maksudnya:** Pada hal mereka tidak diperintahkan melainkan supaya menyembah Allah dengan mengikhlaskan ibadat kepadaNya, lagi tetap teguh di atas tauhid; dan supaya mereka mendirikan sembahyang serta memberi zakat. Dan yang demikian itulah agama yang benar.

**Kedua;** Dalam aspek Syariah pula, Rasulullah saw membawa satu sistem kehidupan yang penuh bertamadun iaitu agama Islam yang lengkap dan sempurna. Kita menyaksikan bahawa Rasulullah SAW begitu bersungguh-sungguh menyampaikan risalah syariat Islam bermula dengan keluarga, sahabat, kaumnya dan sehinggalah Islam berjaya ditegakkan sebagai asas

pentadbiran negara Islam Madinah. Syariat Islam yang dibawa oleh Baginda Rasulullah SAW merupakan suatu sistem yang terbaik untuk diamalkan dalam kehidupan manusia. Allah SWT berfirman dalam surah al Ma-idah ayat 3:

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا

**Maksudnya:** Pada hari ini Aku telah sempurnakan untuk kamu agamamu, dan Aku telah cukupkan kepada kamu nikmatKu, dan Aku telah redha Islam itu menjadi agama kamu.

Ini bermakna syariat Islam yang dibawa oleh Baginda Rasulullah SAW merupakan satu sistem yang merangkumi segala aspek kehidupan manusia bermula dari alam kelahiran hinggalah berakhirnya kehidupan seseorang manusia.

**Ketiga;** Adapun dari sudut akhlak, Rasulullah SAW telah berjaya mendidik umat manusia daripada berakhlak buruk kepada insan yang berakhlak mulia, daripada zalim kepada adil dan daripada degil kepada bertimbang rasa. Baginda SAW menjadi teladan yang sempurna sepanjang zaman, mencakupi semua aspek kehidupan demi kebahagiaan dan kesejahteraan hidup di dunia dan di hari akhirat kelak. Allah SWT berfirman dalam surah al Ahzab, ayat 21:

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ وَالْيَوْمَ

الْآخِرَ وَذَكَرَ اللَّهَ كَثِيرًا ﴿٢١﴾

**Maksudnya:** Sesungguhnya telah ada pada (diri) Rasulullah itu suri teladan yang baik bagimu (iaitu) bagi orang yang mengharap (rahmat) Allah dan (kedatangan) hari kiamat dan dia banyak menyebut Allah.

### **Sidang jumaat yang dirahmati sekalian,**

Marilah kita mencontohi akhlak Baginda Rasulullah SAW, dengan memaafkan orang lain, tidak berdendam, suka memberi bantuan kepada sesiapa yang memerlukan, tidak sombong, mengasihi dan membantu anak yatim, tidak menzalimi isteri dan anak-anak, memuliakan tetamu serta berbagai lagi akhlak dan pekerti mulia.

Baginda juga seorang yang amat penyayang sehingga manusia di sekeliling jatuh hati kerana ketinggian kasih sayang Baginda sesama manusia. Dalam hal ini, Hujjatul Islam Imam al-Ghazali r.a pernah menyatakan bahawa “kasih sayang adalah kunci kepada hubungan silaturrahim.” Maka kasih sayang juga membawa kepada rasa tanggungjawab. Kasih sayang juga dapat memelihara jiwa dari hasad dengki dan dendam. Kasih sayang juga dapat memelihara lidah dari menuturkan perkara keji dan mungkar. Oleh sebab itu, marilah kita suburkan perasaan kasih sayang sesama kita dalam masyarakat kerana kesannya amat baik dalam mengeratkan perpaduan dalam kalangan umat Islam di negara yang tercinta ini.

Justeru, kelahiran Nabi Muhammad SAW merupakan nikmat dan rahmat yang tak terhingga untuk umat manusia di seluruh dunia. Maka Maulid Nabi yang kita sambut pada setiap tahun adalah salah satu cara menyuburkan kecintaan dan mensyukuri nikmat kelahiran agung Rasulullah SAW.

Mengakhiri khutbah pada hari ini, Khatib menyeru sekalian jamaah agar:

**Pertama:** Syukurilah nikmat Iman dan nikmat Islam yang kita peroleh hasil pengorbanan Nabi Muhammad saw.

**Kedua:** Buktikan kesyukuran itu pula dengan mengamalkan sunnah Nabi Muhammad saw dalam segenap sudut kehidupan kita.

**Ketiga:** Bermuamalahlah sesama manusia dengan penuh perasaan kasih dan sayang sepertimana diajar oleh Nabi SAW.

أَعُوذُ بِاللَّهِ مِنَ الشَّيْطَانِ الرَّجِيمِ

وَمَا أَرْسَلْنَاكَ إِلَّا رَحْمَةً لِّلْعَالَمِينَ ﴿١٠٧﴾

**Maksudnya:** Dan tiadalah Kami mengutuskan kamu (wahai Muhammad), melainkan untuk menjadi rahmat bagi sekalian alam.

(Surah al-Anbia, 107)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ،

وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،

وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،

وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ،

إِنَّهُ هُوَ الْغَفُورُ الرَّحِيمُ.

## **KHUTBAH KEDUA**

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،  
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا  
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.  
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

### **Muslimin sidang Jumaat yang dirahmati Allah,**

Kehidupan di dunia ini perlu kepada interaksi antara satu sama lain. Tidak ada orang yang mampu mengurus kehidupan tanpa penglibatan orang lain. Itulah sunnatullah dalam kehidupan. Justeru, pereratkanlah hubungan sesama manusia dengan saling menghormati, sayang menyayangi dan bantu-membantu antara satu sama lain. Mudah-mudahan kesatuan umat Islam akan lebih kukuh dan kesejahteraan akan dapat dikecapi bersama.

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا  
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا



مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،  
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ  
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.  
اللَّهُمَّ إِنَّا نَعُودُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ  
اشْفِ مَرْضَانَا وَارْحَمْ مَوْتَانَا، وَالطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَائِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ  
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ  
زَاهِرَةَ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،  
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَائِقِ بِاللَّهِ السُّلْطَانَ مِيزَانَ  
زَيْنِ الْعَابِدِينَ.



**Ya Allah, Ya Rahman, Ya Rahim.**

Perbaikilah hubungan sesama kami dengan penuh kasih sayang. Limpahkanlah dalam kehidupan keluarga kami ketenangan dan kebahagiaan, Semangat muafakat dalam kejiranan, Para remaja yang teguh iman, tinggi ilmu dan mulia akhlaknya.

**Ya Allah,**

Kami pohon kehadiran-Mu agar mantapkanlah pegangan kami menurut ajaran Ahli Sunnah Waljamaah dan jadikanlah kami sentiasa istiqamah dalam melaksanakan segala perintah-Mu.

**Ya Allah,**

Perkukuhkan perpaduan umat Islam di negeri Terengganu. Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

آمين يا الله، يا أرحم الراحمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.

وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.

وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أَذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،

وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.

□ قُومُوا إِلَى صَلَاتِكُمْ، يَرْحَمْكُمْ اللهُ.